

LA ROBBE SANGLANTE

D E

IVLES MAZARIN.

Ou les veritables recits des fourbes, des
impostures & autres vices.


Par le sieur de MIRAND, Gentilhomme Cictilien.



A PARIS;

Chez FRANÇOIS MEVSNIER, au mont
saint Hilaire.

M. DC. XLIX.



LA ROBBE SANGLANTE DE

Case

F

37

526

Jules Mazarin, Avec la Verité reconnue ou le veritable recit
de toutes les fourbes & impostures.

1649 mir

IL me semble d'auoir leu autrefois qu'un certain vil-
lageois ayant esté vollé fut trouuer le Dieu de la veri-
té pour s'enquerir qui pouuoit estre celuy qui auoit
commis le larcin, mais ayant trouué qu'on luy auoit
coupé la teste il s'adressa au Dieu Apollon, lequel inter-
rogé sur le mesme suiet, répondit qu'il allât hardiment
s'enquerir de quelque autre, car il craignoit qu'il n'y arri-
uat le mesme qu'au Dieu de la verité. Cette parabole ne
descrie-elle pas naïfvement le malheur du temps passé au-
quel on ne pouuoit dire la verité sans se mettre au hazard
de perdre la vie : mais depuis que ce mauuais temps est pas-
sé, que graces à Dieu & au plus illustre & plus celebre Se-
nat de la terre, cette belle verité qu'on tenoit dans les fers
a esté mise en liberté : Il me semble qu'il doit estre permis
à chacun de la reconnoistre, afin de luy dresser des Autels
comme à la plus pure de toutes les Deïtez.

Prenons donc la verité dans sa source, & sans remuer
des os & des cendres, ny toucher à des crimes que Dieu
mesme a oubliez s'ils ont esté confessez de bon cœur.
Commençons par le ministère du Cardinal Mazarin, sans
tesmoigner ny passion ny interest, ny tant soit peu d'ai-
greur. Doncques à prendre les affaires selon la raison d'E-
stat, laquelle quelquefois est preferable aux Loix & aux
Coustumes, nous sommes obligez de confesser que nous

auions besoin d'une personne neutre pour tenir les deux
luts de la balance suspendus sans pancher plus d'un co-
sté que d'autre attendu le danger qu'il y auoit que dans ce
changement tant de malheureux innocens, tant de cou-
pables sans crimes, & tant de captifs d'estat estant rendus
à la France, s'ils pouuoient auoir le dessus ne se ressentissent
des outrages qu'ils presumoient leur auoir esté faites, ou
que le parti contraire continuant dans la mesme autori-
té ne voulut point relascher de ses iniustes maximes & de
ses inquisitions d'estat, ce qui pouoit porter les affaires
dans quelque extrémité. De sorte que le Cardinal Ma-
zarin ayant estanché la source de ses broüilleries, nous
pouons dire que nous ne luy serions pas mediocrement
obligez, si la suite de tant de maux que nous auons souf-
ferts, ne nous faisoit véritablement reconnoistre que le
bien que nous auons receu: c'estoit vn effet de la bonté
& de la pieté de nostre incomparable Reine, & qu'au
contraire, nos pertes & nos desordres & nos souffrances,
sont les véritables effets de l'auarice, de l'ambition, de
l'enuie, de l'ingratitude, & de la fourberie de Mazarin:
Quant à son auarice, elle est si sordide & si furieuse, qui
n'en fut iamais point de semblable: En effet, que scauroit-
on imaginer de plus lasche, que de n'approche pres de sa
personne que de petites gens, pour pouoir partager avec
eux les récompenses qu'ils receuoient de sa propre main:
de sorte, que comme il n'osoit pas conferer les Eueschez,
les Abbayes, & les grandes dignitez à ces sortes de gens,
on l'entendoit souuent pleindre, de quoy tant de Mitres
& tant de Croces ne le remboursoient des frais qu'il auoit
fait, pour auoir vn Chapeau, considéré que pour auoir le *pro-
prio motu*, pour le Cardinal de sainte Cicile, il auoit don-
né douze cents mille escus à la *Signora Olympia*: bien est il

4

vray que comme ie considere la banqueroute de Leony: car on sçait que ce miserable n'a fait que prester le nom, & seruir d'instrument à la furieuse auarice du Cardinal. Il me semble voir P. Isidore dans le Peru, quand il fit mourir le Roy Attabalipa son prisonnier, pour ne luy donner pas assez tost la rançon qu'il luy auoit promise, veu que non content d'attendre les impositions, les tailles & autres subides extraordinaires, qui montent les cent millions, somme capable de fouler les Crasses & les Neros, il se sert des moyens qui auparauant auoient esté inconnus à l'auarice, mesme ses rapines ne s'arrestent pas dans les villes ny dans les maisons des Banquiers, elles vont aux champs pour voller iusques au pain des munitions des gens de guerre, ayant plus fait mourir des soldats en deux campagnes, que la peste ny le fer n'en sçauroient auoir rauagé depuis le commencement des guerres: & c'est vne chose tres assurée, que de vingt quatre ou tant de mille hommes qu'il y auoit au siege de Cremona, il n'en est pas reuenu six mille, encore si defaict de la fatigue mais plus de la necessité, que ie connois des Capitaines des mieux faits auoir esté traittez de gueux, par des gens de leur connoissance, tant ils estoient changez; ne croyez pas que Mazarin soit le seul qui croit auoir droit de venir querir les richesses des Gaules, j'ay veu venir des troupes d'Italiens, qui comme de griphons de Schytie, & formis de Iroglodites disoient franchement parmy eux, qu'ils venoient pour se charger d'or, & repeter l'argent qu'autrefois leurs ayeuls donnerent aux Gaulois, pour oster le siege de deuant le Capito-le: J'oublois à dire vne verité qui est assez commune, & dont tous les Maistres des postes peuuent estre veritables tesmoins, qu'il n'y a pas six mois qu'il passa vne douzaine de Courriers consecutiuelement avec des malles remplies d'or

d'or & de pierreries, qui disoient avec assez d'ingenuité, que le temps ne leur estoit pas conté, & qu'ils auoient assez de loysir, pourueu qu'ils portassent en seureté leurs malles à Rome, il est vray qu'en cecy il obeïssoit aueuglément au commandement de son pere, de qui vne lettre fut surprise où il y auoit, *Figlolo piglate dinare e mandale gli n'ella vœstra casa.*

Mais comme l'auarice marche rarement sans l'ambition, & que le plus souuent ce sont deux corps qui n'ont qu'une ame, il a trouué les moyens de satisfaire en mesme temps à ces deux passions: car lors qu'il s'entretient dans son Cabinet avec les sanstus du peuple, & avec les donneurs d'aui, sur les moyens de tirer la moüelle des os, apres auoir espuisé les veines de tout nostre sang, Les Cordons bleus, les Marefchaux de France, voire des Princes, sont dans la garderobe à picquer le baü, ou à faire la Cour à quelque petit mousquetaire, ou à quelque meschant commis, voilà iusqu'à quel point s'en va son ambition: & quoy que sa naissance soit aussi obscure que celle de Zagachristos, neantmoins il s'est tousiours picqué de Noblesse, iusques à vn point qu'il a par fois suspendu son auarice & ses autres vices, pour sacrifier à l'ambition, estant resolu de pousser feu Magaloty iusques aux premieres charges de la Couronne, afin que le monde creut qu'il estoit son parent, en effet le traittant vn iour de cousin, l'entendis dire au mesme Magaloty, Monsieur Mazarin me traite de parent mais ie n'en sçais rien: & comme il n'y a rien qui excite tant la curiosité des hommes à cognoistre qui nous sommes, que lors que nous nous mesconnoissons ou que nous taschons à nous faire mesconnoistre, apres vne exacte recherche de sa Genealogie. Je ne trouue autre chose sinon, qu'il est fils d'un Cicilien natif d'une petite bour-

gade nommée Mazara, de laquelle n'estant que simple bourgeois, il est à presumer attendu le rapport de son nom, que c'est plustost vn nom de guerre que de la famille, quoy qu'après tout de quelque naissance qu'il puisse estre, il ne scauroit estre issu que de ces bourreaux qui ouvrirent les flancs des femmes, qu'on soupçonnoit estre grosses de la semence des François: mais apres tout, se peut-il ouïr vne parole plus hautaine & plus ambitieuse que celle du Cardinal de sainte Cecile, qui n'estoit que l'organe du Cardinal Mazarin, *mi lo voiglio*, apres quoy i'estime que tout ce qu'on en pourroit dire, ce ne seroit qu'un discours superflu.

Son enuie n'est pas moindre que son avarice & son ambition, que si vous en desirez voir des exemples, il ne faut que scauoir la capture du Comte Philippe; car s'imaginant qu'il luy seruoit d'obstacle à la fortune qu'il pretendoit de faire à la Cour de Sauoye, & regardant d'un œil louché les prosperitez de ce sage Courtisan, il se resolut de le perdre par vn auertissement qu'enuoya feu Monsieur le Cardinal de Richelieu, que ce Gentilhomme seul troublait tout l'Estat de Sauoye, qu'il auoit intelligence avec le Prince Thomas, & que tant qu'il seroit dans la Cour, les affaires de sa maiesté ne pourroient iamais auoir vn heureux succez, ny vne issue favorable dans l'Italie, le tout sans auertir Monsieur le Comte d'Arcour, qui faisoit triompher alors les armes du Roy dans l'Italie, qui sans doute luy eut doucement dissuadé son dessein, & luy en eut représenté des consequences dangereuses, qui ne iuge par cette action qu'il couuroit vne intention lasche, & vn dessein criminel du pretexte du bien de l'Estat, le Comte Philippe ayant esté depuis remis dans les mesmes honneurs & dans la mesme autorité, voulez vous voir

encore vn exemple prodigieux de cette faufse profpe-
ctiue que nous appellons enuie, il n'est qu'à confideré
le temps auquel il est obligé de faire quelque gratifica-
tion des charges ou des benefices qui viennent à vac-
quer: car estant mefme enuieux du bien qu'il fait, il le
donne le plus tard qu'il peut, & apres l'auoir donné, il
n'est moins triste ny moins pensif que s'il auoit perdu
ou qu'on luy eut vollé son propre bien, il ne paroît pas
moins enuieux en la façon de donner, car de s'imagi-
ner qu'il confere des Eueschez & autres Prelatures en
infament, ie ne dis pas seulement celuy à qui les donne,
mais toute la famille, en les remettant à l'Inquisition
& à censure d'un bigot, & i'estime que de faire routes
ces grimaces, ce n'est pas tant vne coustume Italienne
& vne Inquisition Espagnole, comme vn effet de son
enuie, qui ne luy permet pas de faire du bien, si ce n'est
à regret, ou de balancer le bien avec l'iniure, pour satis-
faire aux appetits de ce monstre.

Mais comme l'enuie ne s'escarte qu'à regret de la com-
pagnie de l'ingratitude, il n'est moins ingrat qu'euieux,
telmoins Messieurs de Franchipany: car quoy qu'il
eut d'extremes obligations à ces Seigneurs, i'oseray
dire plus grandes qu'à son propre pere, pour auoir esté
entretenu dans le College à leurs despens, neantmoins
au lieu de reconnoistre vn si genereux bienfait, il ne la
pas seulement oublié, mais il a desdaigné les mesmes
Seigneurs, sur quelque demande qu'ils auoient faite à
l'auantage de la France, d'où depuis ils ne l'auoient ia-
mais appelé que du nom de Mariollet: de moy ie con-
nois vn Gentilhomme assez qualifié, qui l'ayant extre-
mement obligé, soit de son conseil, soit de son espée,
& hazardé dans vne occasion assez perilleuse, son hon-

neur & sa vie. Le Cardinal le pria de seruir vne Campagne, pour seruir de pretexte à la recompense qu'il es-
peroit luy faire donner par sa Maiesté, le mesme Gentilhomme apres en auoir passé 7. ou 8. luy ayant demandé vne chose iuste & de peu de valeur, il n'y a pas quinze iours qu'il en fut refusé honteusement, voila de quelle façon il sçait reconnoistre les biensfaicts; mais sans passer plus auant, l'exemple de Monsieur de Chauigny est vn flambeau qui nous esclaire sans nous brusler, tout le monde sçait qu'il doit vne partie de son auancement aux soins de ce sage Seigneur, la façon dont il les a reconnus, c'est que de Gouverneur, il l'a du prisonnier.

Du meslange de ces vices s'est formée cette insigne fourberie, qui n'a pas seulement trahy les particuliers: mais qui a allumé le flambeau, dont toute la terre semble estre embrasée, considéré qu'il y a peu de personnes souueraines qui puissent dire en auoir esté exemptes, mais sans en aller chercher plus loin que de chez nous quelque tesmoignage, il suffit de rapporter celle qu'il pratiqua à l'endroit de Madame de Guise: car ayant empesché directement & indirectement le secours quelle taschoit d'enuoyer à Monsieur son fils, comme il sceut que ce genereux Prince auoit esté arresté prisonnier: (car il en fut aduertý quatre ou cinq iours auant Madame de Guise) il fut trouuer cette Princesse à laquelle il protesta toute sorte de soubmission & de rédeuense, & que de ce pas il s'en alloit faire hasteler le secours qu'on preparoit pour Monsieur son fils, cette fourberie n'est pas seulement lasche mais criminelle, étant vne chose tres-assurée que Naples n'a esté perdu qu'à faute de secours, que s'il se faschoit de voir Naples entre

entre les mains d'un Prince Lorrain, il falloit proposer à ce peuple Monsieur d'Anjou qu'ils ont tousiours souhaité avec vne extreme passion, ce nom estant fatal aux Neapolitains.

Tous ces vices ne luy obscurcissent pas seulement la lumiere de l'entendement, mais le priuent entierement de toute sorte de connoissance, n'ayant iamais veu vn esprit plus plat en toutes sortes d'affaires: car en effet, en quelle Polytrique ou en quelle Morale peut-il auoir appris, que pour regner il soit necessaire de destruire tous les hommes sur qui il pretend de regner, sinon qu'il fut troublé de la maladie de ce melancholique Athenien, qui se disoit ennemy de toutes les personnes, ou qu'il pretendit de regner tout seul comme Neron, & certes il n'est personne dans ce Royaume qui ne se resente de ses attaques, i'oseray dire mesme les creatures, considéré que le bien qu'il a fait à quelques vns, il l'a fait de si mauuaise grace, qu'ils se ressouviennent plustost de l'iniure que du bien-fait, pour le reste, qu'est-ce qu'il n'a pas fait au menu peuple, que nous appellons enfans de la sueur & du travail, n'est-il pas vray que ceux qui ont suruescu à ses cruelles rapines, portent enuie à ceux qui sont morts dans les prisons de necessité & de mal-aise, pour ressentir de plus en plus de nouuelles persecutions, que n'a-t-il pas fait aux gens de guerre, il ne les a pas seulement traittez d'ennemis & de barbares mais de criminels, les ayant cassez alors qu'ils esperoient quelque rafraichissement apres tant de fatigues. Pour la Noblesse, n'est-il pas vray que s'il ne les a tous declarez roturiers par Edict du Roy, il les a traittez pis que de cela d'effet & de parole. Pour le

Clergé, que peut-on faire de pis, que les traiter de vagabonds & des prophanes. Pour Messieurs de la Justice, il suffit de dire, qu'ayant voulu mettre sous les pieds ce Panteon Parisien, j'entens cette assemblée de tant des Dieux, il est à presumer qu'il a voulu renuerfer la Monarchie, ayant voulu sapper les fondemens & les balles, ce qu'à mon auis ayant luy mesme considéré, apres que ce celebre Senat a eu lâché vn des carreaux de la Justice, il a iugé à propos d'auoir recours à la grace, puis qu'il n'y a que ce Haure qui le puisse mettre à couuert des iustes poursuittes, de tout ce qu'il y a d'habitans dans ce Royaume.

C'est donc à vous Princes genereux, qui estes autant d'Estres, à qui nostre Soleil François ne fait point de difficulté, de departir quelque rayon de sa Lumiere, pour vous faire briller dans les iours mesmes les plus serreins, & à vous encore Noblesse, qui suffit d'appeller François, pour dire que vous estes la plus illustre & la plus genereuse de la terre, à ne remedier pas seulement au passé & au present: mais à preuoir encore à ce qui peut arriuer à l'auenir, & sur tout, de defendre que iamais Italien puisse estre introduit, ie ne dis pas dans le ministere de l'Estat, mais dans les moindres charges du Royaume: car en effet, est-il raisonnable que nous deuions plus aux Italiens en France, que les Italiens ne nous doiuent à Rome, or est-il que depuis que le plus honneste homme de France ne scauroit iamais posseder en Italie vn office de Sergent, pourquoy deuons nous traiter d'vne autre façon les Italiens en France, & pourquoy le Comte de Chasteau Vilain parent du feu Pape Urbain, apres l'auoir seruy 22. ans dans le mini-

stere, reuiendra en France de la mesme façon qu'il en estoit party, & le Cardinal Mazarin retournera à Rome, chargé des despoüilles de toute la France, comme s'il venoit de la conquérir, & de la rendre vne Province Romaine:

Que s'il est veritable que Charles le Grand, apres auoir remis les Papes dans leurs Throsne & aneanty la Monarchie de Lombars, voulant faire obseruer en Guyenne le loix Romaines, comme celles qui luy sembloient les plus justes, en fut empesché par vn Gascon qui luy respondit hautement, qu'il n'estoit pas honnesté ny raisonnable que les vainqueurs receussent la Loy du vaincu, souffrirez-vous qu'on vienne alterer l'ingenuité & la franchise des Gaulois, la candeur & la pureté des François par des fourberies Italiennes & par des subtilitez Romaines, le Roy Louis 13. de tres-glorieuse memoire ne vous a-t'il pas tracé le chemin, car comme le feu Cardinal de Richelieu luy eut nommé Particely pour Sur-intendant des Finances: le vous prie mon Cousin, luy respondit ce sage Monarque, ne me parlez pas des Italiens, & neantmoins comme s'il n'y auoit pas en France des testes capables de remplir vn bonnet rouge, nous allons querir des Estrangers pour leur donner ce que nous deuriens rascher d'obtenir pour nous mesmes, ce qui me fait craindre raisonnablement, que lors que sa Majesté demandera quelque Chapeau pour vn François, qu'on n'allegue la prescription qu'on a alleguée pour raison de la tyare, c'est que le Sainct Esprit ne puisse non plus parler François en la personne d'vn Cardinal qu'en celle

d'un Pape & c'est cette seule crainte qui me fait crier
à haute voix.

Vnissez-vous genereux Princes

D'un indissoluble lien,

Pour chasser cet Italien

Qui pille toutes nos Prouinces.

